


始溪居士後集目錄

第一卷

古賦

夢游覺輝亭賦



古詩七言

過王晉卿第

子重鷄鷹圖

送李仲益

送胡希旌

送鄭彥莊

送俞通叔

題子重山水

毗陳東山亭

紅糟炒筍

登鶴雀樓

晚步汴隄

題競秀堂

贈瑛上人

第二卷

古詩七言

次韵王性之

阮公嘯臺

次韵參寥

次韵王為道

古東門行

贈張隱人

送唐公兄弟

王為道東軒

送李仲益

送陳璧中醮

醮朝霞閣

別希仲

第三卷

古詩七言

和文張潛

然須寄傅子淵

謝連僧

次東坡韵二首

送慕容各程

喜雨用前韵

子淵惠壘醋

寄輝州畢九

山水圖

遇潘子真

送錢弼遠

夜遊圖

雨意

寄孫子發

謝橘皮湯用前韵

築城詞

送即祖仁

第四卷

古詩七言

古詩七言

四詩詞四首

答吳子友

薄酒二首

正旦日大雪

古詩五言  
謂寶覺

西域樓感懷

會張曼老陳瑩中

題郭功甫壁

荅侍其純父

飲何希仲家

求冷淘醋

懷秦太虛

寄秦太虛

第五卷

古詩五言

賀李方叔得馬

謝鮮于子駿用前韵

留別魯直用魯直韵

次韵子瞻二首

次韵子瞻遊惠山三首

登科斗野亭

次韵太虛

次韵家室送別

和參寥

送孫叔靜

遊馬頰婦

次韵晁堯民

<sup>十五</sup>寄第六郭將

<sup>十五</sup>送徐舜舉

<sup>十三</sup>寄范七

<sup>十五</sup>浴

第六卷

古詩五言

赦到後雨作

端午睡起大雨睡起

試郭底泉

晚起

微淵明體十首

次義禪師韵

五雲觀 崇壽宮

喜客泉

撫掌泉

白鶴觀

九錫菴

華陽洞天

玉簫菴

隱居書堂

次儲子椿韵

第七卷

古詩五言

文承制移竹 二首

張暉行相送

夜投陸周仲

阻雪

飲三家店

得邨老書

遊任園

懷張暉行

以旱雷雨忽作

大暑過湖上

餞張暉行

贈邨長老

群玉軒

送忠禪老

因服藥飲酒

寄何德同

燕子

次韵李方叔 二首

第八卷

律詩七言

讀東坡詩

次韻見寄 二首

營居寄存之

次韵見問

五月旦日

晚雨寄劉晦叔

端午二首

傳子昌歸興州

与何德同

送馮子莊

寄周臣

次韵見懷

次韵子椿二首

次韵構亭

送董無求

次韵思道

題壽椿軒

李仲容相訪

望長蘆寺

留別子淵

重治寢榻

題隱居岩

次韵病起

次韵澄碧軒

次韵九日

次韵醒源

和人臘日

次韵元章

子重閑軒

遊長蘆寺用前韻

飲朱宣伯

第九卷

律詩七言

寄王性之三首

春日

復次元韵

朱砂湯

題朱希仲壁

崇寧求詩

寄題仰之

聽惠師琴

覺老求詩

過寄老庵

陳氏書齋

記覺海帖

雨花臺

邦老見貺

贈明祖印

元白求書

登有美堂

飯眠齋

錢節士

阿濫堆二首

食牛肉

和王敏父四首

若禊告行二首

陽瞿道中二首

次韻梅花二首

智臣相過

送璞侍者遊方

第十卷

律詩七言 五言

梅花

失題九首

聞葵者

過蒲池寺

子童<sup>重</sup>夜話

飲三家店二首

真師新竹

宿湯泉二首

宿希仲家

別真師

阻雨口占

遊石磧寺

茅山道中

除夜寄德麟

燈下對酒

試楊生筆

江上獨坐

書黃道士壁

宿長河堰

過藏雲

書長干僧房二首

第十一卷

絕句

和東坡贈老人

題氏鄭園

偶題

晦迹

罷官謝客十首

得王晉卿書

初得馬騎石

石鱗

戲卷延之

治城

正上人求書

書張君窓

試陳瞻墨十首

見吉先之

第十二卷

絕句

杏花白鷗

黃精鹿

惠崇扇面二首

學書十首

出院有期

路西田舍二十四首

并跋

閑居五首

書真公軒

首夏

餉茶二首

和方叔五首

水仙花二首

朱砂湯

次韵致君

卞忠烈墓

書天禧壁

岳虹亭

牡丹四首

偶生

竹鶴

荷葉龜

讀華嚴經三首

李世南畫三首

再和現画三首

謝人惠朋樽



阻雨

試筆二首

第十三卷

絕句

次韵見寄二首

贈人

再和仇釋夫二首

龍池

題虞孫扇

失題二首

六言

次韵子椿五首

再次韵三首

挽詩

旌德王承議

仙源辟君

俞清老二首

陳氏母二首

雜挽四首

詞

次韵子瞻追和渊明歸去來

朝中措二首

臨江仙

蝶念花

第十四卷

贊銘

觀音贊

維摩贊

永老贊

琳老贊

珣老贊

雲門贊

李太白贊

晦堂贊

四 雪峯贊

士 濯足圖贊

士 伯時馬贊

十 姑溪自贊二首

士 曼老画姑溪贊

銘

歙硯銘

希韓硯銘

南禪師塔銘

當塗硯銘

穿先鍾銘

第十五卷

序 跋尾

歐陽公別集後序

跋歸去來

南浮集序

雜題跋二

第十六卷

偶述

手簡

與王樂道十一

書長短句後

與王性之九

第十七卷

手簡

與王性之十八

與彥趙強三

與常深道

第十八卷

手簡

與石端若兄弟十二

與友人往還六

與承天長老<sup>五</sup>

與悟長老<sup>三</sup>

與崇因長老<sup>四</sup>

第十九卷

行狀

胡叔微行狀

第二十卷

墓誌銘

折渭州墓誌銘

姑溪居士後集卷第一

古賦

夢遊覽輝亭賦



露下木落天宇澄徹日欲傾頽蟬方淒咽姑溪居士枝窮<sup>節</sup>

步驟臨階之絕顧視節物推遷歲月感覺輝之昔游詠生

塵之羅襪恂恍羌池躊躇騷屑御者不進將誰與說既鵠

立呂不怡疑株拘之無別已而人斷風休月出雲裂繁星

不能蔽其光萬籟于此號其穴茲欲遣而不暇益百斛而

千結於是解衣就枕寤寐總分紅舒綠卷蘭郁麝薰更爇

詔於鶯燕襲環珮于烟雲眼秀絕之不與方展轉而疑魂

忽若星墜倏如鸞擗拊背藉巨相疑極情柔而見文謂予

之約何爽叩予之實彌勤願倚王之未及俄司晨之遽聞  
嗚呼亭邪覺邪則亦莫知其然哉今已非是昔安可追懲  
夢幻幻于遂物割昵網于頑癡庶幾夢覺與今昔不能俯  
仰於群迷

古詩七言

晚過王晉御第移坐池上松杪凌霄爛開

清風習習醞毛骨華屋高明占城北胡床偈伴庾江州萬  
蓋搖香俯澄碧陰森老樹藤千尺刻楠雕楹初未識忽傳  
初哢半天來舉頭不是人間色方疑絢塔燈照耀更覺麗  
天星的歷此時遙望若神仙結綺臨春猶可憶衰回欲去  
輒不忍百種形容空喋息亂點金細翠被張主人此况真

難得

題王子重出李成所畫山水

主人邀我登閑軒客前景物祇欠山坐來惓澹若不足引我

忽到營丘間營丘山水天下知全齊十二雄一時舊游歷

歷如到眼吾宗筆力窮高低峯雲巖藹靄互隱現老木蒼  
藤紛綵絢瓏璵特幹勢將壓奇崛欲夸人未見石磴流泉  
似幽噓洞穴縱橫乍明滅舉頭樓現俯懸崖定須六月臨  
飛雪行人初踏山前路款段衝寒怯回顧蹇驢亦自樂平  
地躡身耳徐行方得趣日西平遠連何處極目蒼茫天欲暮  
行人端是我前身斗覺精神相會聚百年瞬息竟誰真此  
老鹿無一點塵主人等是風塵外豈是閑軒久住人子重家有閑軒

現子重鐘隱鳴鷹圖就借傳本畫乃文康舊物

千年老木根半拔又牙枯枝開金鐵蒼鷹見鷄豈復捨伺  
隙必等將雷掣雞知不免怖且死銅甯窺鷹反噪聒陰風  
慘天為改殺氣憑陵歎翻海畫工已證三昧因造化精  
神智能采江南山水多異人遁迹往隨風塵等間應現  
非一化流落終為絕世珍王公盛德天下歸想見乾興天  
聖特進賢退佞乃所嗜不使異趣侵毫釐喻公為鷹固不  
可排擊奸邪力尤果開圖凜毛髮驚滯蔚頓攄如破鎖  
公孫勝致有餘風十年淨土常相同擬借傳摹應見從意  
款因画時見公

次韵胡希聖登毘陵東山亭

君不見狐裘相齊望前古後日執鞭固欣慕烟雲得趣更  
飄蕭長使高人恨無路闌干崢嶸擅空濶寒日低回得循  
步朱輪想見不可從南國小崇疑未去百年暴輝實之賓  
俯盛仰衰情易新孤懷直欲共傾倒衣上元無一點塵又  
不見三千珠履春申君十年天祿楊子雲極目平原草  
縈骨秋月春風愁殺人五湖歸去辨之蚤擊鼓撞鐘猶恨  
少險語後緣一劍休九衢相視空草荆州萬里控上流  
歌舞翻風甚飛鳥回首蒼悟隔暮雲南狩不歸何可叫解  
后相逢情更親為狗疇能誇已陳歎書醉語致多感好事  
今無載酒人斑微陽度密竹噴寒雀喧荒榛常即所  
紀十無一安得遺老酬諮詢增證難堪隨末俗健論愛君

如剪竹寧人負我無負人咄、老瞞徒四目直絃易斷曲  
未終鳳髓難容斷誰續白首胡君到孤獨在何分金齋鮑  
叔

送李仲益赴豪梁司戶

烟然五府不受塵深山大澤猛虎踰豫章千尺若可扶滄  
溟萬里疑平吞秋天一鷄禰正平人物南川龐士元莫詠  
濠梁好風月當知猿臂出吾門

閩僧饋紅糟炒笋

食飽舐指老更深飢腸南北常歌釜曾作閩山對岼客海  
舶供看常相尋一路埃塵春几換葷羶裂腦愁舉按淮陵  
巨海不多程多情誰殺能鳴雁道人雅好逾千金短茁蹟

味羞春林呼兒續飯不知飽未徹已到閩山陰孤風冷石  
常齒、不忘南音似君子寂寞相求義俞高豈特今朝共  
隣里

胡希聖在毘陵有詩私送比過山陽漫昌其韻送

寒雲四塞客小日短一壺臍裂洪疇中君家大門我父堂  
覓句聊復相遇從和香索料多甲煎出蘭几弄理孤桐尔  
來行李偶南北幽、不見雲間登、山臨水不無思獨笑  
往、捫長松蓬門春晚燕語好書悵迤邐來清風五府帶  
垢一洗盡萬里古色開愁脞朝川何在廣文死北比孺子  
誇有功楚人僅免二日哭却嗟白壁埋蒿蓬逡巡取酒叙  
契濶百川赴吸驚長虹風流未愧正始後淪落丘范評無

鍾君才有用豈特尔我亦相將成老翁騏驎得路即千里

會看拭目天邊鴻

登鶴省樓

大河南奔山北走臍裂天涯懶回首撞鐘擊鼓醉橫參時  
險英雄骨已朽歲暮風烟尤可悲功名白髮不相期重來  
好是當晴日應有鳴群翡翠兒

送鄭彥莊

酌君白玉杯送君正黃梅長安風沙昧人眼君行暫指黃  
金臺劇辛已老樂毅去荆棘平地多龍媒九重深沉四海  
遠快便誰許叅雲雷黃金臺高不易上并州雄節幾塵埃  
當時勲業皎白日餘風表二皆雄才龍睛豕腹寔異相肝

隔上下羅瓊瑰丹青萬物大門塔妙論爾汝無嫌猜同時  
舒卷一門盛將見烈火生寒灰十年早飛不足歎青雲自  
此亨途開我暫追隨極天未有酒取醉長途陪離亭雨足  
綠蔽眼健帆危挂寒風催黃金臺不知幾千尺勸君寧

去直上首莫回時和歲豐亦足被君賜須遠過青山隈

晚步汴堤始見春色次夜與蔡彥規鄭進希仁同飲

昧日行河堤柳色綠如掃只疑晚煙罩寒林細看始知春  
已到春來本不與我期病中蹉却春來時塵埃雨過風不  
起但見紅紫吐、陵高枝年、見春隨分喜今年見春略  
無意泊然相遇等幻化况是客愁如夢裏前年隨春入都  
門去年探春海上村今年作客還到此萬里漂浮誰與論

故人邂逅羅酒樽白髮相逢情更親  
身世崎嶇有底急終日裂臍如歸雲  
倚門幾夜環連夢勃宰稚子行逡巡  
扁舟早晚東南奔車馬紛々愁殺人

送俞叔通歸四明

終軍棄關繻李斯逐黃犬功名事業自有時  
咄嗟所得亦蹇淺雷奔電掣千里雨魚變為龍  
如掌反侯羸抱關誰復論公子感之在一言  
擔簦履履遍列國平揖相印須臾間簣中不死  
魏齊因口中舌在天應旋莫嘆解肉消休悲釜  
生魚揮斥八極神不變秦人豈識照乘珠氣吁  
虹蜺亘天地有時一笑海可枯泰山排雲天下  
小紛々何足論賢愚得君本如此君知我無珠  
幾年飛鳴共蒼榆長慙瓦礫叅

璫璣都城踰月同朝脯斲然別我還舊廬  
引君一杯酒洗君衣上塵我歌雖促非酸辛  
未忍祝別惟加飧直須採取虎穴子西來射策黃金門

次韻孔經甫題剡縣史氏競秀堂

天姥迤邐沃州繁萬壑千岩相汲引崢嶸不知盡  
何如撐突雲烟隨望隕來樽去伏搏虎豹上圓下  
妥蒸芝菌溪流縈紆湛寒玉飛泉滴瀝調水軫  
天造神藏發有時眼力收羅一朝盡連夢接榻  
插星斗攔檻分明吁老蜃薄遊曾向畫圖見几  
欲微吟馮秋蛸登臨更想新醅熟紫蕨堆盤參  
竹笋排座歌呼來謫仙落筆篇章陵醉尹晴春  
雪齊夜月滿此樂誰能計畦畛到者如行避世村  
回首紛々只堪哂



因君歸興不自持安得陵風跨蒼隼

兼江祥瑛上人能書自呂為木工又能詩而求予  
詩甚勤予以為非所當病也為賦一首勉之使進

于道云

得句如得仙悟筆如悟禪彈丸流轉即輕舉龍舉蛇飛動  
真超然禪瑛迺醉我頽慙道玄戲將字畫當秋拂與于憑  
軾相周旋筆各運予稍手如致禪偏眼能援枹鼓心為制  
中樵棄指尺度廢繩削似曲還直非方圓適當庖丁善刀  
後但見滿紙銀鈎連心眼手筆俱不用擬向底處現其全  
思量不可到此地無中邊政似觀瀾亭上夜潏潏滿空白  
月孤光懸

祥瑛侍者書置之魯直卷中畧無辨異惜其未嘗  
博現義猷顏柳遺蹟也右軍帖家一有之然世後  
遂不復有右軍至近世人書下手便欲逼真古今  
相絕如此瑛其勉旃

姑溪居士後集卷第二

古詩

次韻王性之見寄佳句

文質相乘徒野史  
拔山塞海終軍死  
早時妄作不朽計  
掇拾餘疏自網紀  
跳梁缺斲固無有  
白首何堪墮牛李  
冥行觸柱猶欲前  
布襪青鞋偶茲始  
春風冒頭問時魚  
莫兩洲中吟白芷  
尔来蹭蹬十二年  
尚向牛争驚閭蟻  
亭日沒見初月  
宛是角巾逢綺里  
萬頃烟波湫天末  
千丈霜松騰澗底  
几從窈窕泛斗槎  
終愧婆婆參珮藥  
晚來鵲話頗不凡  
俄報翩翩航一蒂  
元龍豪氣不似除  
臥起然遽思起問途  
直指三峯去  
盤馬樓前萬人喜  
發亟健句壓欲倒似不見

容已無齒便期脫帽漣風腴豫肅寒春際雲子定應一笑  
非守閤更想筆端如馮水

唐公兄惠頌海上既行輒有詩奉送

憶昨扁舟下京口六月江頭浪如吼一笑還尋浮玉叟山  
半飛雲似招手月明上船縈宿酒倒滴沈星疑犯斗夜深  
歸亭徹東吳覺未落月穿疎牖山僧留連強終日黃昏歸  
鳥凌風疾玉骨森病枕餘一語才交復相失先生高節如  
古人薄官淹回行路塵海城寄食不自得暫喜持盃同探  
春春風花草來踈踈微紅淡綠意旋新相從白髮情未壓  
底事促別聲悲辛淮陵欲到嗟無因想見蔓草縈龍鱗浦  
光亭南拍隄水冉冉落日低孤塚到時春色應已遲滿樹

黃鸝初轉時憑將一曲原頭淚為洒南坂松樹枝

阮公嘯臺次韻辛正叙

有口莫飲盜泉水有手莫探驪龍珠秋風冷落千古意追  
風絕足誰能拗白雲青山避世樂擊鼓撞鐘廊廟居守閑  
舒卷四海為之動豈憚一一從吹竽君看事、絕天險阿  
房官在空荒墟野人不識帝者貴直欲炙背同向茅蔭偶  
由來土苴謾優劣疊、傳習隨有無當時一嘯亦偶爾至  
今登覽煩嗟歎吾人妙質素所畏感嘆陳迹追盈虛涇清  
渭濁固可辨未應到海君能殊

王為道東軒梅花小桃相次弄色置酒見邀出瑤  
瑤盆浸花貯酒半移即花既醉留名壁間

搔髮滿瓜瓠樸衣滿襟塵百年信几時吾生苦紛紜黃河  
源從天上流忽然河底為沙丘張良身不滿三天從使沛  
公君列侯淮陰小兒亦何者俛首無辭出勝下晨炊蓐食  
為得計一飯千金豈無價相君之背貴莫言前趨鼎鑊何  
等閑使為故主已梟首奏事猶如冕 疏前軼深井里有  
是婦哀歌壯士不復還伯樂相馬只相骨咄 常情迷賈  
鞭春來萬事不欲語惟願沽酒不著錢大當長杓酌還引  
日日如此過百年相家新有檢正官謂我落兔早見懶東  
軒小菴間梅蘂清香秀色能相先不將貴勢略雅旧脫中  
取酒容留連瑤 瑤盆深花透過愛花移向花邊坐時 一  
飄蕤落盆中冉冉天仙空裏墮醉後草書疑有神牆間怒

角擘飛雲掃禿千毫興未 惆悵粉壁何時新盆空不記  
上馬去曉來但見衣巾污古人名節堆故紙多少沉埋不  
知數名朝花落 在須臾莫遺高門無入路

次韵參寥杜孝錫

君不見深山窮谷千丈潭懸崖絕壁倒挂松雷霆雨電有  
時一洒遍八極繁霜雪霽能邀夜月來高穹又不見江頭龜  
手泝澗統裂地得俟終有逢長安大雪幾千尺高臥不愧  
衣玲瓏揖人而相若反掌登天有路非難通天之可上勢  
或便得相乃在須臾中朝冠貂蟬暮徽纒曲肱何在三千  
鐘方東遽北安足究豈異海舶隨狂風舞霄而詠吾與點  
坐中客滿誰知融屹 杜夫子灵芝翳深業百年轉盼皆

腐朽且將送駕聊與同我慙圭觚刺人眼空向霜天望飛  
鴻

送李仲益及弟調濠州司戶還錢塘

憶昨西湖弄烟月玉面少年搔紺髮六月正午斷人行坐  
上無風不覺熟長安塵沙五月尾汗透織締其懸水相逆  
惘恍秋已深冰骨令人冷如水洗吾家謫仙應已朽采石  
風流誰可後却恐騎鯨下紫霄斯人豈是人間有春風標  
名冠禮部睥睨英豪皆培塿三月飛花試集英筆下光芒  
射牛斗共說唱名須第一人事天時良可畢大任先當蓋  
未能何謂楊雄老終吃滄溟洶湧百怪見鯨鬣蚪髯豈難  
辨莫為卑飛遽自陵功曹曾是將軍願集賢學士文章百

平日追隨今太守到日應湏倒屣迎還間下榻南昌秀濠  
上觀魚正躍携手何人知此樂妙處期君向上求可笑  
蝸牛爭兩角

為道見還詩因次其韻兼簡孝錫

反衣狐裘矜綠裏月落霄行易淪委崎嶇身世等秋蓬皎  
皎吾心淡如水青雲有路誰引目肯學荒踈輟洗髓經營  
一飽困南北未易功名輸故紙爾來投遞間諸彥白雪每  
容叅下俚何殊溺者得尺素聊謝箕翁徒洗耳大官供庖  
事鉛槧時引古人同淨几柱老王郎特我賢華衮相先慙  
溢羨清風冷落勞悵望誰謂雲間見黃綺因收倦緒聊紡  
織半是棄餘安足喜一片蕭韶送下天遊遍華胥如喚起

從此修途可問津豈復龍頭却地尾

送陳營中及第歸洪州

七月江南秋已到江水如天魚尾掉處一團橘欲黃時家  
家門前艤歸棹西山佳氣徹青雲潘郎門巷如深春陳家  
有兒新及第就着恩袍歸拜親為報行人洗眼看春兒如  
此誰不羨願兒不要重科第事業功名他日貴

古東門行

元鼎元年東有兵未央催班不待明龍驤虎步擁旄出蟻  
、部曲隨鳴鉦三千珠履皆上客囊中有錐誰為發莫歌雄  
兔眼迷離長城可倚知在誰千羊不如一狐腋草底寒  
誰護啾唧西口四目未必智天下奇才余星墜舟中指可

掬冀北馬群空滲身吞炭為國士射足接處謀已同義感  
丹誠虹貫日壇上成功方頃刻縱有明珠千犬長安能保  
得頭長黑

春日同梁十四醺李公昭朝霞閣侍兒舞梁州曲  
徹客有呂潤羅為贈公昭命玉杯滿酌酬之又呂

金鍾邀兒相屬既醺出烏絲欄索詩

都城春風吹落花都城九陌無塵沙貂裘公子醺何處闌  
千百尺陵朝霞鳳箏新調玉指軟黃金捍撥當自透紫檀  
屢碎翻成拍紅茸按觀鷓頭襪回旋誰許絲雲輕欲斷還  
催猶未徹新鶯妾離乳燕飛一曲涼州春日遲百疋纏頭  
隨玉盃啣啞一闋爭扶持公子笑不已下客慳正濃更邀

如夢集 卷二  
五  
姬婉持金鍾一醕直欲滄溟空從他海若在平地明珠墮  
淚愁蛟龍珊瑚突兀撐高峯便疑已姬御來風月漸滿銀  
河低歸路促街鼓稀何時再到紅茸地更倩游絲惹住衣  
此篇與前集白鈴轄席上聽琵琶歌數句畧同姑而  
存之

盧泉之水次韻晁堯氏贈張隱人

盧泉之水名河長裂臍不到空莽蒼讀君詩句心已涼便  
覺滿耳清浪浪彼方逐臭如竊香肝膈飽神鷹楊有客飢  
水衣朝陽睥睨下語中何傷過後德君想更樂直欲造化  
窮微茫何當相從老此水桀路夷齊均是死  
飲散留別希仲白江州倅罷歸壁間掛廬山圖約

為象戲終席不果又約明日而終徹余遂行

密雨着地三四尺班駁雲開日已西坐來指點經行處問  
我何年別處虎溪十分酒到一舉盡笑我強飲如登梯燈  
火熒々夜來艾回首但覺蛾眉低今朝未食先破趙明日憑  
熊歆下齋門外馬嘶獨未起據鞍總許趁鳴啼

姑溪居士後集卷第三

古詩七言

和張文潛喜東坡過嶺

紛々擾々何為哉一自之餘皆儻來當前荆棘誰所樹到  
了醞酸蚋方聚公歸斯文乃有主公去妖淫幾人誤孤  
罷嗥蛟龍衆戶外何嫌常滿屨

合流遇潘子真出斯文相亦因置酒子真黃九門

人

山谷老子久不見豫章詩人何許來江章未覺清徹骨西  
山一帶寒烟開文章明鏡現諸相句律蟄戶驚春雷紅炉  
功坐且一醉為我更賦揚州梅



一日幾回捫白須我本于世非葭莩奈何寸沫長自濡起  
倒不供須人扶眼前擾、嘈笙等况於得失隨有無鼠壤  
狼藉多棄餘史雲空悲釜生魚抓搔世垢清肌膚愈下愈  
拙真挈壺愛極并愛屋上烏古詩有之今輒如不願百赤  
滕龜跌下願去為在汪鳧只願卒歲眼長淋百無所見常  
踟躕出門適埴尋君居萬里付於千里駒

送保定錢弼遠且約相見後行

平生不願與物迁所向來未始值坑谷濁斯濯足清濁纓  
世間此理因纖曲未願見君一笑可兩眼照人光煜、爚  
不可犯毫髮遲暮已許同松竹去年相逢儼如昨歎我

何殊侵曉燭衰殘壯盛等復虛且可清樽對殺菽軍兵百  
色不可與期縱橫猶沸粥念君去替無凡日頗復驅馳  
隨檢束君方撫掌笑我迂物理循環同一局有來則受去  
莫追忍看紛、自魚肉我愧君言但首肯明朝君去追奔  
軸臨行春色已無有勉強歌呼逐紅綠思君不見一長呼  
忽得書來親愈篤約我歸來叙離別滿紙抑揚疑諭蜀豈  
知重門鎖白日迹難伏樞心麋鹿寄聲少作句決計莫便  
雲間去鵠垂離會合香難量君能規、如世俗

得璉老庄僧書所報周悉且速東歸既愧其勤因

述書語為謝仍約官滿就見  
故人書報新種畦東臯豆麥稻水西更添庄屋成兩脫築

出湧路排沙次柳棟千本竹萬箇雞豚母子群相攜又倚  
前岡闢場圃更下南泊來鳧鷖兩年課役已似此數歲漸  
可如山溪吾師振地適我與胷中營徹真琉璃一錢不敢  
力為盡只得一飯仍鷄棲我慙泊沒落陷窞眼前差路知  
幾蹊緬懷吾邦歸未得書來未讀先酸悽本無去來強繫  
縛亦非顛倒隨傾擗萬衆通眼即他物列鼎既飽均朝齏  
明年定作一村老非施委曲誰刀圭

內侍劉有方畜名畫乃內弼國夫人夜游圖最為  
絕筆東坡館北客都亭驛有方請跋其後既作詩  
以相示時款和而偶未暇今閱集得詩遂次其韻  
以申前志

天街雨過花滿驄萬人壁立驚游龍  
衣袂欲仙去寶鞭遙指蓬萊宮  
真人睡起春絲柳誰春琵琶最先手  
合懽堂裏謝使人暗香猶帶天階塵  
宛然相對若可語筆墨頓失當時痕  
開眼成今合眼古回頭自有來時路  
長風破浪真快哉快處須旁倒騎虎

常愛東坡去年花落  
在徐州對月酣歌美清夜  
今年夜黃州見花落  
小院閉門風露下  
二詩因即其韻

聊記目前

其一

老來不慣離家久獨臥一床今八夜  
孤搔十爪垢已滿降伏千魔心未下  
熒病眼日更昏皎孤懷誰與馮恨無

蠻帳與睡俱，独有筇枝伴。身亞華嚴性，海隅深味塊。率陀  
天聊漫借平生，好書陋顏柳。近日作詩後，沈謝百年旅。夢  
行將覺萬里家園，猶未舍安綠。倘或未嘗胆，佳境安得如。  
食蔗從來少味，燕偏知早已忘。机鼠休怕行，當遂作重層。  
圖闌草凡材，任訛罵世圖。白老謂之重屏圖。

其二

良霄明月為誰好，記得初來正今夜。城頭火客略不斷，花  
上鵲棲驚欲下。更深未覺單衣怯，風細只疑清露馮漂流。  
南北心已老，綿歷間關身自亞。傷心黃卷不相契，過眼  
青春難更借。那知交臂輒深局，驟學問因誰與謝。家書杳  
邈隔重嶺，客飯酸臠真傳舍。慙兒女置雙鯉，璀璨散疏  
勝木蕨，定知何日遂能歸。却憶今朝真可怕，解衣就枕已  
多三喘吐，多言翻自罵。

初夜有雨意欲曉風大作

昨夜雲深疑有雨，五更還作掃雲風。我于此地雖無責，傷  
時識事心則同。起來悵望一吁歎，又覺烈日侵堦紅。隔牆  
鼓吹去何許，入戶哀怨號無蹤。尋花戀藥尔自樂，啼夫哭  
子情無窮。平生感慨出老別，異時獨與新豐翁。近來眼力  
不鮮事，彷彿推墮此境中。天公豈肯遣一物，爾莫歎抒袖  
空無心致禱，必應會見一雨半年豐。

送慕容各提公幹環慶邠寧

四月邊城氣如煮，問龍乞水將致雨。起我独有泛蓮人，相

與投誠香一縷腹桴不擬謝僧蔬愁對焦枯無告語君時  
捧檄不我捨意欲同分神所怒此說誠未契我輒罷想望  
總疑隔烟霧一朝報我檄歎難由明日清晨離此去我慙  
君住本為我君行我乃不得祖固知身世不相期戚安  
能効兒女君還我亦脫韁鎖聞道荆酷如潑乳使君况是  
我輩人便約臨高日東注經由第一莫遲回猶物須知元  
有主謂揚子直

再次韻并寄寧州孫子發

顧我從來柰烹煮况漫顛風并怪雨出門未必趁鴻鵠閑  
門何曾下絲綉比來重作坐禪僧日與虛空相晤語初非  
小智肯自私終謂大國不可怒倦途傾蓋得吾人獨喜山

行逢豹霧僅愧衣融累歲由猶勝投閣經宿去東州勝事  
久欲講老滕元將效懷祖初欲到而豈知敏手驟輸君史

君方詠羅敷女願持一笑作先容試覺醍醐分酪乳寧州  
別乘吾所畏屹然萬弩不得注寄毅到眼不須論畢竟生涯  
誰是主

喜雨用前韻

凋瘵厄殘不勝煮欲救饑湯須是雨天公愛人甚赤子忍  
將性命輕毛縷史君屹起石門城歸路壺漿喧笑語定知  
此雨必隨來何用與龍爭喜怒初疑默洒醍醐漸次濛  
濛縈瑞霧一滴入地須一赤萬室焦枯如洗去我慙無力  
助精虔獨改微誠祈佛祖深局不得陪賀燕坐跋歌妹參

舞女近傳一斛出六斗盞面浮蛆泛牛乳煩君說與猿臂  
翁留得滂沱猛如注醉中寄我慶豐謠想見今朝賓與主  
謝慕容若禔惠橘皮湯用前韻

有幻色身同一煮誰振楊枝洒甘雨一息不御百虐隨邪  
正交差窮脉縷昔人有術我得早自約初到必與語日來  
靜坐不能遣痞隘忽作何脉怒腹腸逸運吼雷霆嘔唾續  
紛雜珠霧吾僚息勤謾馳告果為新留陳輒去君臣辨正  
叅苦良物、經營本濃租一杯狼藉走三彭再啜遂廵失  
魔女恍疑身在清涼國無異金堂蓬石乳便當竄入經驗  
法何用 切增補注慙世語必見臨不會作客勞煩主

謝傳子淵惠齏醋

一罌激灑香馥郁刻意傳來敵珠玉畫屏當梓世俗珍獨  
喜小甲隨宜粟老翁病起疎七箸頓覺食加不勞 喜與  
頗訝併日食庖有力疲憂斷續舌根有相未須遮定應嗟  
笋沒春芽只愁此法不能錄歸去尋思空自嘆天酥辟易  
醍醐且從樂處為生涯他人若問真消息請向原州覓  
傳家

築城詞效張藉體

齊眉去朝天回一聲號千聲催土勻纔布一搏許試錐只  
見錐鋒摧萬仞連雲截川路胡騎回還不敢覩但云本是  
漢家地如此攜家渡河去渡河去莫回頭漢家人、要首  
級渭州門外籤尔喉

寄耀州畢九

造物於我終何功，寓形宇宙一粟同。由粟而形，則可物自形，而我如飄風。我初與子未束髮，長我一歲，今皆翁閭閻。世故憂愁集，悔不相向，但盲聾。迩來夢寐，心噩無異。舩鼓槳，藝逢場作戲，固聊爾。隨緣應責，疇能充邊城。氛埃蔽天，赤春物豈暇尋青紅。頗知別甚，乘相得共玩。雙翠臨雕籠，酒闌起舞，屢脫帽笑指落月如懸銅。何當容我作鼎足，未易歸馬催勿。

壁間所掛山水圖

老驥無能空在閑，首肯既飽思行山。誰知分幅分向背，恍如百里隨躋攀。雲烟濛濛心共遠，草樹陰陰日將晚。一聲

幽鳥隔前溪，萬古回春來。疊嶽涼風彷彿飛，清霜奉身九折。恐王陽嗟我胡為不自愛，逐物顛倒輕餘光。瓜羅活計知何日相對，無言搔短髮。芒鞋竹杖清自在，皎皎吾心真匪石。

送卽祖仁罷九江稅省親仙原

石磴縈紆行一髮，下見滄溟湧。初月不應佳，氣無所歸。十載散名藹，吳越香爐峯。下新解官疋馬，又過桑麻間。知有秦人篆字否，不妨高處小乾坤。

素人...

...

...

...

...

...

...

...

姑溪居士後集卷第四

古詩 七言

四時詞擬徐陵用今體次東坡舊韻

春

紅綠枝頭自開落薄日低雲天一幕可堪困緒尚眠蠶未

擬尚心摧破夢寶環半脫畏侵肌百刻紫香竟屬誰旋製

稱衣宮樣窄慵看架上去年衣

夏

蜀葵易過紅榴永鱗一室角波纹冷水光汗透玉枕涼扇

影風搖浚院靜無言一向响凡回顰品盡公絃竟不勻空被

梁聞間偷眼燕黃蜂元是窈窕香人

畫園展盡滿湘綠  
窈窕新詞寫啼竹  
薄衾笑拂又經年已  
報莎雞入重屋  
漸施簾幙作深局  
時看明河步廣  
遲旋索羅衣防露下  
隔牆聞叫侍兒聲

冬

休願車輪生四角  
莫向金樽媿酒薄  
門外風號鴈陣低  
擁衾同看殘燈落  
輓轡敲凍驚棲鴉  
睡紅笑引燕脂霞  
未擬雕籠問鸚鵡  
先投宿酒敵霜花

次韻東坡所畫郭功甫家壁竹木怪石韻

大枝憑陵力爭出  
小幹縈紆穿瘦石  
一盃未斲筆已濡  
此理分明來面壁  
我嘗傍觀不見畫  
只見佛祖遭呵罵  
人知

見畫不見人紛々  
豈是知公者汗流  
凡案慘無光忽並到  
眼如鋒銳急將面  
耳掩隻手河海振  
震動雷電吼

答吳子友見寄昔與子友同書局以此韻往來人  
夫十二篇今子友仍用元韻遂漫次之各十三篇

矣

憶昔揀題雜梁棟  
懷壁屋珠容抱甕  
大宛天馬本不羈  
楸耳遠轅駒援就  
控撈蝦摸蟹力易盡  
搏虎擒蛟殺方痛  
君時正射晁董策  
直把黃金變鉛汞  
願我衰遲特相子  
許我適比儀韶鳳  
回頭已數六端午  
幾向夢中自古夢  
爾來歎迷陷膚記  
豈謂書詞情愈重  
琅玕楚虞奏未缺  
香煙燕鴻目頻送  
壯君已赴宣室召  
老來未棄蟻螟動  
詩成新月半



侵簾更聽樓頭角初弄

答成都侍其純父用其韵

鹿頭閣下花深處竹馬曾尋絲衣路雖知梨栗是生涯人  
道風烟如鄴杜四年十來各斷橋問津無計冷瀟灑一聞  
此語心先醉似向江邊笋自燒羨君材器森諸有寶帶垂  
腰今一叟未說常開壇上旗且須再遣雲中守從來別駕  
不謀身欲作峨眉會裡人本是文殊親接引定應見處必  
逢君

蘇子瞻因膠西趙明叔賦薄酒杜孝錫晁堯民  
黃魯直從而作孝錫復以屬予意則同也聊以  
廣之

薄酒勝茶湯剗麝臍為有香斷尾山雞避文章直材先  
伐甘井竭誰將列鼎移黃梁揚雄草玄反朝白麴蘖寧非  
井丹食却念牛衣兒女心王郎漫致回天力五湖歸去弄  
煙月伏劍成名空玉雪飲薄酒醉後紛亦示何有

又

莫厭薄酒薄莫惡醜婦醜君不見王尋百萬驅虎豹千兵  
掃蕩同拉朽又不見高堂笙歌午夜飲明日哭聲喧正寢  
莫厭薄酒薄到頭一醉亦足樂莫惡醜婦醜搗子弄孫  
同白首高飛遠走固亦樂莫抹眼前忘時後

遇雨飲臨穎何希仲家蒙督詩即席為贈

君不見張子房素書未授祇遊俠又不見蕭望之不能碌

碌反抱閼漢業已成赤松去教吾賢傳終感嘆乘時致用  
固不免要須贈繳無由攀八十釣渭濱揮旄伏鉞興難  
臂鷹上蔡市沒得不可空多言周傾秦得漢亦起虎噬鯨  
吞祇觸藩一具一廢竟誰有要之有數歸元、元、元、元何  
為君論子細須將劇孟作敵國未信葉公真勇士竊借教  
名人自歎白公梟首方為是乾旋坤轉只等閑收放僅在知  
毫端身何即目如電奔髯兒童驚眼光在酒裏一飲黃河  
傾不作公麼責公子橫行款得千萬兵吾語何即少卑之  
犀有角弓麝有脣果知有累不早討抑揚畢竟何所之滿  
酌功君飲我語無文章鞭笞六龍扶駕桑上朝元君倍紫  
皇霞衣玉簡鬚如霜俯仰八極何茫茫方時與君俱此舉

如何煩君整起舞、徹聽我歌我歌端為我輩作蠢、方  
類隨江河肯同兒女戰蝸角酒酣兩淚渾滂沱

正旦日大雪過秀州城外聞樂神踏歌打鼓

歲除夜雪一寸許便覺新年喜氣多大現元年第一日壹  
番勝事信可歌、不已鼓聲起漫壑連村如市裏更願雪  
深一尺餘收了去季三尺水

聞傅子淵求冷淘醋

君不見東林木魚催萬指中鉢紛、似流水銀絲百遍連  
夜具大斛行壘如酒醴又不見賢親宅中午睡足花簇春  
羔銜紅綠一窩隨看髮猶麗妖冶均調笑相續他日何人  
叅智海斫乳磨薑搗椒薤便覺廬山落眼中誰為窮邊輒

相會往還斷絕惟緘默楚遠葷羶味蒼藟親賢勝事不可  
尋且向箇中求一則

五言

雨中自瓜步謁寶覺遂約遊黃社寶覺邊有儀真  
之行雨後獨往夜分方到泥滑路嶮乘步相半

夢寢東南游金山居第一泊船瓜州口風雨繫黑日冒雨  
訪老胡偷然出羅華壁間十弟子云是王維筆生者今何  
在別有一丈室相期同過之佳思久披拂差池成獨往敢  
憚泥沒膝投鞭望橫參露重衣如失方諸湛漏魄指顧盡  
織悉目眩神為清壺冰蕩肝膈壺、相問勞軟語皆中律  
頗怪不預知有似驚暴客杖牙薦妒紅柔脆修林茁老淚

感陸生明盤皎霜橘木魚動曉堂永味固南畢百年驚枯  
槁平日膠在漆幅中行此時歲暮悲蟋蟀

金山寄懷秦太虛用建除體

建古求止子寓意一何疎除道聲出師老将定胡盧滿座  
語更發誰是囊中珠平生不少貸鮮不相謂迂定分固有  
來跛鰲叅乘駒執別幾終日春、瞻雲衢破碎物役爾此  
理君何如危步上傑現疇昔相攜扶成子茲塵外趣感慨  
反不舒收我漏盡景課君種樹書開山一百里玉粒隨香  
菹閉口不復語早晚同歸與

毗陵西城樓感懷

平臯已春風昨夜猶繁霜倦客驚節物遊子思故鄉樓高

白日出遠日空悲涼願言平生歡各在天一方  
遊遊不可從山川阻且長安一樽酒呶啞共  
深堂孤懷昔蕭屑壯志猶激昂無階際玄  
護尚期夢池塘蒼鷹在千里怒鬣存三  
湘寒鴉似相求依、度斜陽

秦太虛寄書云想君在毗陵廣坐中白眼望青天也  
因路此語為寄兼簡諸君

白眼望青天我乃厭多酒秦郎才語新高低秀蜀柳春風  
昨夜來傳書自江口固為愁水光物、慙我醜歸程無多  
日僧寔不驚帚投懷二三子自口許不朽笑言忌有累  
駭筆來所有莫問夜如何為君專一斗

維揚會張曼老陳堂中分韻得柳字

我生固有地物、皆可口身行半天下薦飽無不有讀書  
恨未博每索多掣肘一逢可意人似對靈和柳老來益落  
莫永日類中酒北舟得二妙洗盡平生垢叅軍欽陵春記  
失寒掛斗雍容送落日百紉袖為斗藪崎嶇等外驚撇眼  
自妍醜真樂極胡越詎可論不朽昔人固欣慕僅欲操箕  
帚堂隍幾千仞未易窺戶牖逡巡即千里轉盼百年又一  
笑且低回朱顏今皓首

姑溪居士後集卷第五

古詩

賀李方叔得眉山王堂賜馬公自書券云

帝閑萬馬皆天寵一、盡是真龍種欲知志氣吞萬里駿  
意向人耳雙竦翰林下直出王堂械鞍寶轡聲琅、傳  
呼一聲驚里開新向途中賜驕驕明年乞得東南守畫舸  
西河臥載酒免令此馬老江山故用贈君良獨厚憐君從  
東家各負坐令儒士喜意新自書券字甚雄偉作書遠報  
江湖人翰林好士裴丞相知君亦負王堂望願君寶此下文

次韻魯直留別魯直詩見前集卷首

南北二十年短褐足塵垢九仞未及前泉竭心恚地厚積

醫開前山月在山之顏目斷西黃鵠夢寐長躋攀我飯苦  
多噎見透出氣定有囊中藥痿人果知起枯槁洗朝露咀  
嚼玉壺冰蔓草豈自得香發須高陵斷舌真有未辨口空  
齒落頓悟孺子歌會當濯其濁允蹈固未見能言人亦難  
得微可齊語引置莊嶽間大路平如掌仁者貴安宅直絃  
為君禪萬里等尋尺何年紀消子相向猶未水雞肝肺已  
自鏤土苴非所知

鮮于子駿用魯直見寄韻因以爲謝

雲間彼上人處汗能見垢咄、向風雅入國知溫厚別來  
仰高山霜風刮衰顏新詩解人願調古不可攀練、瑚璉  
姿森、棟梁氣頓學固有歸黯然由起此世味淡於蠟孤

懷冷如冰十年間歸路歌舞懷西陵歲晏感飄蓬老去委  
瓠落豈無杖頭錢斗酒不問濁高平累愈重欲去亦良難  
安得廁木鴈才與不才間遇君本有地悵我將烏宅持須  
遡家山一望幾千尺何須驚墮葉會當鑿攘雞風來北窓  
下此况誰為知

次韻子瞻古風詩二首

一

無兒晚讀書得之西河坊何待少陵詩閔、已生光深山  
秀蘭芽無人方自香未央鎖千門可知曼修廊俯仰要自  
得犧樽浪青黃愚木契亦蔭盜泉渴須嘗果能奪固有利  
害置兩傍匪我亦匪人用托寧見傷

紅爐一勺水湧沸如雷  
聲德君戒終南為君歌  
采苓少盡  
焰仍裂崎嶇閱修齡  
由來外一重疇非君  
死生風物托茲世  
異種聊並蒂榮謝  
寄春秋何勞驚多計  
春後世雄惟君  
有以似

子瞻參寥太虛同遊惠山用王武陵賓郡朱宿三詩  
韻各有所賦參寥錄以相示余將遊焉因次其一

韻

一  
曾為惠山客心已寄蒼茫  
知今幾何時常在山間堂  
淹留情  
莫整<sup>擊</sup>悵望身疑翔  
聯翩得秀句古殿逢燈光  
耳冷徹孤

二  
神幽<sup>境</sup>拂清香買舟行有期  
此興安能忘

三  
三子骨已朽來者非一人  
蕭聲起孤鳳柳按皆清新  
松陰貯老月薛暈涵蒼磷  
崎嶇固有屢屬千載無纖塵  
物吾已笑今昔均可笑何  
當事一厘願水終為鄰

三

膏肓有前人老意繫叢樾  
差池紛鬢霜味蠟火已絕  
一吸風漱液幽思起漫滅  
詎慚數及一七緬予<sup>子</sup>在  
明月疎更蹇修途景耿重  
激發冷然倘可御千古同  
一轍

再登斗野亭路舊韻寄太虛

北舟攬黃氏楚不自平故步聊低回  
新月微風清蛙聲

語莫下泡湧浮修薨，何在超世游翳路情傾難西堂夢不  
到春草還復生長年浸枯枿有時懷層城適從吳兒炊又  
作准人烹皇，編諸侯吾人愧安行獨抱照乘姿花枝似  
相明拂衣歸待旦南州送頌榮

秦太虛出魯直所寄詩因次其韻

別子又春杪幽懷誰與誰迂復事遠途繚繞如理綿家山  
雖入眼尚疑隔晨烟破悶得子詩鳴雞還到船追隨日苦  
短容易悲長年猶能共一轍植足臨天旋下澤政有味方  
戶自我捐唯有不捨之心常如俯奔川

次韻家室送別

幾年保新阡託身斗一方間語得野人禾麥共登場遷疎

倘可老持鬚時抑揚頷非馬上才犹懷袖中剛西風蕩微  
氛仰視明星光叩齒咏真主白眉誰最良師門守邊鑰表  
表南方強逋誅百年寇敢謂莫我當牝雞久師司晨群吠  
移當陽葦纒固難律誰可無宮商堂，發天机有鉞左伏  
黃一旦會風雲果知籌策長洗滌盡餘滓万翼爭回翔能  
無出囊穎及頷箕子傍平生慣草衣豈堪事戎行強歌出  
塞曲天矯恭龍章蠅因逸驥速馬為奏瑟昂尚期駕鼓操  
奮力起病床賀蘭奪故冗安西還日彊歸千萬壽重慶庶  
事康

和恭寥過敝廬留宿因見寄之韻為謝

及此仲春月頗欲謝遠步世味久已疎何憚魚生釜青陰



合廣除似失北門路端如雞在埭未媿豹隱霧飄蕭方外  
遊繾綣慰遲暮共侍清光來軟語坐良樹呼風破炎蒸扣  
齒却忘慮遂巡棲鳥驚不記衣上露臨分期屢來此樂復  
誰與

送孫叔靜

浮雲無定着乍合還分離廓開萬里天好是無雲時我懷  
苦蕭眉多感不自持奈何情所親容易成南飛秦人雖受  
寶睨柱誰瑕疵空能九賓賞終負連城歸此道固有命如  
君應未遲且從淮上游霜濃蟹整肥載取一樽酒里門相  
扶攜笑語款難背古人良可期開編各對面謔浪尤相宜  
皎皎澄藻月森森瓊樹枝燕地重郭隗吳兒輕陸机曉來

猶薄露會見高風披

次韻黃魯直晁克民游馬頰歸

洋洋引天津湍悍誰為寫謀藏袖所勞穹築限修野緬懷  
二子于感物寓土苴卯飲東貂裘指頰來其下霜風面款  
黎跟蹌倚羸馬一笑等飛雲吾生竟何者

次韻晁克民黃魯直蘇子瞻同賦半檠字韻十往  
返而不倦者

耿耿萬里心振衣常夜半明星當戶高仰首每自嘆廷身  
固虛空殆將等閑玩永懷一寸光有之誰能散南山富巖  
薇采采寧待伴不媿郢中曲誰報青玉案千載北憲風鄭  
聲何可亂子賦各崎嶇垢指寧與盥我慙老更拙款和知

良唯但能襲餘塵未易窺重閉踰年與君俱絕此意少寬  
奈何捨我去鴻鵠隨蹇持岑樓起膚寸萬仞始一拳知君  
未易量願君更加滄親髮日益白何以為親惟以義不日  
時吾君正求賢只尺明光宮我望君冠

寄范七平涼有一擾者頗相似每見即與從容聊  
遣吾思之不能已也喜施朱常陋其過

吾君友范君誼宛似丘遲詩點綴花映草長鶯亂飛詠  
詩知吾人因人想其時不知胸中寬西域方鞭笞昔為守  
禦策堅壁不容雖令作進討計萬里入鼓鞶相送昔日短  
既別恨見遲雖無老成人彷彿頽頽兒每見挽與語問我  
將何為我非濁子者我友寔似之典刑不可見况漫堂上

竒邊城氣候晚四月猶夾衣青燈照冷生素自目披重帷  
孤懷苦蕭屑人事終難期何當命典刑一笑相淋漓

浴

靜坐已十日日聊漫資一活我髮不滿梳安得別置浴暖  
連頭澆快哉如出谷我生本離垢妄念即桎梏外物強扶  
持何異雨中竹亦不無雨虧亦不有雨足森々自然往無  
榮亦無辱振衣步空庭又見黃梁熟進退茶何從晨羞詎  
宜緩叩齒感覓史虚心豈魚貫乃知抱關者俯首固非懦  
烈日下嚴霜盪水沃熾炭物理自回旋何方即吾館年來  
老頓逼四月未覺煖勉力更無念已矣見此粲

第六郎將求詩久未暇今且寄之

烏延一揮手歲月如奔流誰知頭半白重見須雙刺面冷  
靡一鉄氣雄吞九州門遠外雖設毫髮終無留此特可見  
者如君寔難求人固不易親而我獨見酌半年話疇昔論  
極非謬悠但云置是事可質為冥幽功名本何為入手如  
上鉤我每壯其言心肯屢 頭別來已七月悵望逾三叔  
秋近聞漫此來只尺不相投元戒奉天詩知與造化謀化  
城西突直控咽與 喉又斬萬餘級少快姑整休此鏡且  
就養彼生容豈偷君謂乃吾射會笑纏臂鞞今秋取天祈  
明年入興州遂漫都護府再見萬里游汾陽異世勲子政  
如綴流未或便相襲且作仲升侯

送靈臺尉徐舞舉

靈臺右鶉 南北西山間我來春未幾紅葉徂 班與君  
早相求攜手問西山折花飲清泉共此一日閑君才真健  
敏詩句如芝蘭娟好秀且靜馥郁若可餐

姑溪居士後集卷第六

古詩五言

赦到後雨遂大作

昨夜聞 有赦今早遂得雨天澤隨君恩一洒遍寰宇彼  
玩尚逋誅吾土久未還皇靈實裨謀剪馘笑談閑崢嶸各  
化城掃蕩如破竹開田一百里得土千萬族不雨三四月  
壠畝犹燒畚禱祈畧無應居突行嘆嗟豈知有此待城就  
師振旅上不輟板築下不妨野處秋種蓋未晚及此壯者  
婦惟呼各著業賣刀買耕犁山頭夜叱牛山下婦亦斲老  
稚勸勞莫歸宿待我土盡壑俟爾日有餘歸來笑相向共  
樂生無虞又聞赦書中逋欠皆除免更放一年租其細及

姑溪居士後集卷第六  
古詩五言  
七

移變天公因愛我吾君豈違天乃知父子間事必關連  
野人語可書使我喜不寐誰謂彼無知况欲迷向背我歌  
本民言未愧中興詩聞者足以戒可是輒趨時

端午睡起和韻

豈漫記佳節飽食睡亭午雖不負此身倦聽亦良苦念  
初入此門只作十日教那知如忍矣倏尔到角黍本非來  
質秦蓋異行怨楚端為城旦拘獨與縲紲語深坑偶未埋  
大鑊僅逃煮淨持諸願力妙地叩祖初會當縱奔鹿遂典  
搏猛虎蹇余愧平生何適非齟齬

大雨

向晚雲驟合雨點如車輪入夜勢轉暴對面語不分初疑

坤軸裂漸覺河海翻傾注恣豪講瀆莫吐吞平地忽五尺  
呼叫均四隣下堰上輒隙東塞西遽奔一身應百給坐則  
臥不得存申旦自秉鍤刀意已昏念茲嗷農拱手過一  
春八夏又將半寸苗無宿根祈禱備衆伎香香天九閻飢  
殍漫狼藉極目無烟村及此滂沛澤一洗瘡痍痕勞我敢  
有詞故喜氣已溫置酒會賓客耕轍翁孫尔年非可期我  
責亦粗神欲赴固湧躍感慨局重門

睡起

數日不吟哦已覺舌本強熟處自難忘是乃真苦相簾空  
睡起足物我雨俱喪舉頭見南山依旧秃相向解衣遶屋  
行未巾已踉蹌翻書試遮眼一抹如白浪目足身所先二

者輒相抗生理道可知何用更惆悵独有梁上燕憐我本  
癡憊時時作好語似欲致功相見爾初啣泥生子已頽頽  
而我猶未歸茲事固難諒安用苦煙 無勞獨悽愴俯仰  
即陳跡未易煩度量一樽試有求傳來如鵲盍頓味毒酒  
酷猛嚼投晚餉倦懷豈沒有舌爛腹斗漲抱薪救烈火自  
取將誰讓夜分方半生劣過迤屬纊

試郭底泉和韻

午睡不覺久起坐獨捫腹眊眊苦相魔眩瞽遂為族永懷  
建溪春偶爾得藏畜品第雖非貂猶勝狗尾續虛堂無纖  
塵百轉紛擊筑破碾頓愕貽屑紛隨輪感被褐而懷璧凡  
眼真褻瀆脚資定碗黑豈待無托綠久聞西城角有泉堪

寒玉名因所居傳庶惠總可僕殷勤持小罌甘莖來一掬  
蟹眼方轉旋色味相芬馥迩來棘荆生未易梨栗熟一啜  
便超滕庾愁空萬斛

晚起和韻

今日起差晚持課幾到午饑飽雖難醫葷酒且入務脫粟  
快一鉢白眼視寰宇固知等浮沉要在極織縷貽耳林鳩  
嗥舉頭梁燕乳我亦盡輪回何必高下數行懷故山中泉  
石漱深塢萬壑響松風千岩澄月露胡為不歸去乃典朱  
墨典只記入門時未自有還家路我生詎應尔炳々莫我  
顧彼心豈易同吾首易莫仰

讀淵明詩效其体十首

歲月忽云徂人事只如此胡不及此時斗酒勞隣里有田  
半荒蕪有屋心傾圯強顏賓客後畢竟如何尔

淵明棄官歸議者見各別去就須有名豈獨為卑褻折腰  
分當尔柴米豈無說舍彼而處此心不苟自潔

扶疎草木長茲時豈無情未論身得去想像心已清童山  
久不雨湯熱氣鬱蒸遣懷一開卷便覺涼風生

操檄烏廷府已復十五年、當三十餘事、隨精堅非惟  
膾具灵蕙歆還幽燕誰知今白首獄吏輒羞肩

晚來風稍回漸見布陰雲乘時得尺雨吾農實難勤不願  
生邊地報施豈無因我雖不在事未能忘戚欣

用舍繫臨時金玉與蒿萊塵埃混瓦礫燔燎參樽壘何  
云長興公陳迹歸來一跌竟不起念之有餘哀

我聞瘴癘地去者無生還吾兄三十口歸來盡韻頽死生  
非人能得喪亦非天張毅與單豹要之皆偶然

朝送空檐出莫逐頽頽歸既謝爨無烟此外將何為堂

十六年子孫反無依莫作如是見隨遇聊差池

九

吾心愛吾廬此亦未為得死即瘞路傍要是不免惑隨流  
認得性有念乃吾賊是以方丈間千偈終一點

十

吾友傳子淵每見常照人固莫我高我固不人低問其  
何因尔我盖不自知孰為第一義只此是菩提

烏牙義禪師退居金陵予典之都城之舊能詩喜  
說修養年七十餘貌類三四十許人以詩道舊目

次韻報之

幻化如空花建立等脩竹四海不離身一笑長滿掬相逢

亦何有展轉犹所獨攀緣過九上圓頓擊一宿歲月屈身  
臂到此非問卜心清聞妙香老句俱三復何當會實際超  
然發吾覆未尔且遂巡更待梨枣熟

五雲觀

五雲會中天衆山如朝宗相臣夙有約標神期此宮傍有  
洞天接面直積金峯常言五百間斯地将修崇廢具果冥  
符变化如雲龍緬懷祥符後天意固莫窮一言不可復此  
具犹未終知國如知葬尤難邀此翁

崇壽官梁昭明太子修行之地

鴻禧已不九崇壽氣尤古 經始天監謀餘力保大舉十  
圍人何在烏鵲尚如觀井泉翳荆榛像設半塵土視今犹



視昔一笑終仰俯有媿所坐峯安得參鶴羽

### 喜客泉

取逕輒林莽得地三尺餘名曰喜客泉客至如湧珠初驚  
一穗起逡巡周四隅酌之甘勝醞滄茗尤敷腴物理不可  
詰感嘆常躊躇於焉知福地未易世眼拘

### 撫掌泉

泓渟宿寒藻正占一山曲平時常湛然撫掌珠可掬喜怒  
去千里氣類若相屬如何輒示異乃尔分遲速霜風鼓橐  
籥巖樹響絲竹語出各有答路轉疑絕續幽尋力恨短博  
採日苦促便擬寄無餘捨策遂留宿

### 白鶴觀

白鶴不復見荒臺煨燼餘昔時三茅君鶴駕常相遷一歲  
許一會此地爰其廬倏然自一境歷攬莫與俱兄弟兩羽  
人玉骨太古須燒丹云未暇彈琴聊自娛日貯駕鶴來寓  
緣慕玉虛身世久已忘况漫話里閭

### 九錫庵

強臣歎竊命九錫乃所借奈何得道人之漫有此驗是非  
固不同等歆示其漸石地鑿龍跌宕載極談晤漫減半可  
讀巨是表龜監名存物何在遺製不少欠帝意豈無謂人  
事徒妄占何適非偶然隨遇始弛擔

### 華陽洞天

洞天名此山於此實第八東將秦嶽連西與岷峨軌磴道

端可通足亦若相憂我欲踵其武苔徑特見滑屢試輒復  
却宛似物所過周行半天下是等三四閱有無終可疑雷  
同慙小黠退之固頡頏桃源蓋強說卒謂武陵傳何殊眼  
着楔孔子亦獵較此理信難輟

玉箫庵今名天聖庵

白髮不我貸青山亦世情斧斤借義力遂易當時名吹箫  
人可想有念應難平從茲定相忘那更隨虧成松門挿天  
半竹逗梳晶瑩所期茅茨永丹碧雲願營舍悽振落日拊  
事悲頽齡吾生倘與歸境界滋光明

陶隱居書堂

山雲自往來人事久蕭索誰為挿小松記此常棲泊坡陀

披淺麓窈窕帶遠壑着書方呻吟誰與會所樂寫凰耿莫  
追歲月儼如昨隱約玉箫聲憔悴金七葉風來萬籟奏一  
笑竟唯約尚友徒此心相期在廖廓

姑溪居士後集卷第七

古詩五言

比都文承制移竹贈初秀才克民有詩因次其韻

一

古人偏愛竹種不虛一席相將共忘年敢憚培且植君家  
占何方容易來秀色雜草出明軒翛然聳修碧剪稍畏風  
摧留葉期鳳食澆之茲兩蚕足閉戶忘所適

二

增築貴堅厚抨繩避歌側朝灌暮漫壓深虞枯易得勁節  
既能主百蠹遂為客風微吟踈簧日永齒客履此况倘可  
期吾甘事潛默晉人知自完皎々良未息不校謝紛紜斯

言愧安國

離穎昌張聖行獨出城相送

黃昏促征鞍別酒已沾醉風威危破臘雪意欲着地超然  
氣類人送我奄獨至懸知必如此恐終歎弗類年平生味  
歸宿恍各得所詣胡床十餘語彷彿京口例此言固近俳  
要之不無謂夢覺猶在馬解鞍定何地百年誰見宰一已  
乃許事纏繞兒女情回首端自愧

夜接臨穎陸周仲館待甚悉

冥行眼忽明乃是到臨穎倦馬倚風嘶凍僕望門遲初非  
敢此期勢逼豈容傾是身雖無難從者固當省主人頗  
料理燈燭分烟燭熾炭解噤頤重惟護寒頰招魂爨剪紙

感惠非尚聚粲然一笑開那漫嗟斷梗我生且莫落隨遇  
輒自警轉盼已歸空區區徒畫餅

明日阻雪不得行蓋冬至前一日也

纔冬即欲雪醞釀非不久——旅館黃昏風半夜忽如晝天公  
特謔戲不在我先後兒心見期心只尺弗得就密洒良未  
已兀坐幾忍矣遂令相逢心感慨若奔湊紅爐慘無光短  
氣犹癸餉况茲嚴報本供衛何所售風威果能神排斥勿  
宿留非獨寸草榮萬里同錦綉

三家店主人勸飲

早飲款過午感此去路遙解衣酒家床主人喜相招遂巡  
出鉅釘勸我飲一瓢舉手謝慇懃宿醒犹未消報言雪滿

野征轡相無聊何如酩酊去更可忘今朝年來頗解官徑  
欲隨所邀端愧五漿期未覺群心搖偷薄日益窘妙論輕  
鴻毛何當受一塵醉到同漁樵

得常州感慈和長老書求詩兼寄鄰老

清晨得君書遠意來吳中開緘一見面頓覺百慮空書詞  
若蕭屑怪我情不通我豈逐物者君亦如冥鴻便當永相  
忘何計駟典駟聞君奮鈴槌喝下分華戎曉魚會千指一  
一麻中蓬朝叅月破牖暮請燈在籠坐令萬折異沛然俱  
向東緣契乃如此想見圭壁叢胡為特垂手千里尋龐公  
龐公無伎倆只這是家風復知多聞師亦在兜率宮人間  
最勝處何必顏如童會當謝朝謁爛漫游無窮

子童相率遊任園

踏雪入窈窕翁蔚如溪春左右無佳色老緣不改新小帽  
茅茨下園翁叙慙勤主人謂此翁好事絕等倫養生惟春  
花種：皆躬親每到二三月爛漫如錦茵問翁何所有品  
目如何分翁云世間本搜採無遺根牡丹三萬株兼取洛  
興陳芍藥楊州來密：挽魚鱗雜花極目是葵不知涯津  
四序更代謝顏色常相因我來適非時猶得聊逡巡約翁  
待花開許我論主賓

獨坐有懷張聖行王成伯偶讀摩詰詩因借其韻

老鶴志千里候蟲戒三秋此理定如何宛在水中洲我師  
南榮生去從知北游歲暮良鮮歡不如孤首丘寒燈伴岑

寂河漢窓間流緬懷凌白壁路斷水悠悠  
摩頰頗解事好語供我求生令不可遣  
卷然隨遇收歸只呈旦暮妙義思  
賡酬君謂我輩人吾匪期人儔且將  
有限力相與窮溪幽  
久旱秋舍殆不可遣免一夕雷雨忽作

半夜一濯雨斷夢失炎蒸汗旣不漫鼓  
蚊雷為之停遂巡萬竅號破窓風如傾  
絺惟強主宰遲砌已滿盈極護老  
稚奔呼懼閭里情但覺萬里帆浩蕩  
隨滄溟掠眼總閃爍劈耳俄掀轟豈暇  
計飄溺且護嬰兒驚小休月在戶却視  
斗挂毫啣與啾次第先秋鳴粵逆臘  
雪後早魃苦自明焦枯病三農芽田不  
滋榮隴畝半折裂几席饒蠅蚤端各一  
大難眊烏犹宿醒點我讀書燈涼宵聊  
與征庶免簡牘

中暫寓蠻觸爭

大暑不可逃偶偁數友過湖上清坐抵晚因詠老  
杜槐葉冷淘句凡十人呂君王納涼晚此味亦時  
須得須字

百年規不足一日樂有餘况茲夏日長而與君子俱號呶  
謝呼笑談論皆詩書門外方爍石坐上如冰壺仰懷冥冥  
鴻俯愧戢魚老我百不堪嗜好終蒲菹殷勤相得心黃  
昏尚躊躇追隨自此始莫厭頻招呼何必得美酒然後可  
將須

張聖行解官入京僚友餞別分韻勸酒得醇字  
密雪不着地朔風煖如春天公豈無心慰此東歸人吾人

晚相投每見每更親踰年稻梁俱未覺但暮頻欲識分淺  
溪蕩、風中雲問其美如何表裡無油磷溪湛子雲默高  
廣太丘真汲、惜日短奄茲奉離樽莫辭十分斟酒薄  
情則醇庶幾一舉盡涇渭從此分萬里自只尺百歲均塵  
埃行人定向適他年期問津

常州感慈邦老相遇甚款聊復申叙

十年不相見一見情愈親執手語半塞但覺頻沾巾別來  
事多矣未易只尺論感君冒雨歸知君意弥敦邀我過其  
廬燈火如春溪金碧炫境界恍然驚一新為我時置浴仍  
為加秭殮止我未飢振我衣上塵何勞強剪紙已復收  
斷魂添炉接隸坐軟語尤殷勤我憂患餘漂泊終此

身功我葵且居生死相與鄰清晨陟高座四衆如雲屯展  
轉叙契濶博辨河海翻句句不妄發信矣靈巖孫歲暮能  
幾何纏綿誰我温非君美無度涇渭那更分相期在來日  
擊節徒諄、

句容澄上人群玉軒求詩

日、不離山愛山終不厭因地端有來及此各尚欠當  
軒出嶺岵昏膜遽効斫枝撐簷楹窄明滅烟雲暫幽禽時  
一鳴隱約隔天塹早聞群玉峯世境未易占却應三昧力  
易致茲可驗便擬絕高溪兩足恐不瞻幻化浪攀緣膠擾  
窘囊檻會須揖清風方暑對枕簟

送忠禪者詣徑山請普覺住天寧萬壽新刹

我初遊叢林詩人如滿月細披雲霧間桂影若可掇旋  
二十年相半分會別莫途喜可掬妙語等冰雪告我第一  
義光艷忽振發老魔俱辟易善類隨擊拂是真萬里足一  
舉安能輟徑山 斲齋夜氣尤昭徹異時摩即老薦藉意  
甚切子果識至人指碩石必裂出我連城珍刻廟冠前列  
無令剛足翁三獻文為拙

因服藥飲酒一盞

東坡在黃州飲酒只飲濕我今又過之釀漿和麴汁平生  
不喜酒興未且莫繫長虹偶爾於日漫投一吸入口舌款  
脫下咽蟲爭泣鳩之腹將裂宰宰淚莫裏頑涎雜血唾心  
悸如鼓集幸 爾無一事荆棘強自入主人固好士僚友

心素緝如何似見毒使我臥復立彷彿徨日欹落稍覺困  
眼澁夢覺天未明齒頰猶習習是邦居不非奈此掩弗及  
昔聞禁酒國今見毒酒邑作酒寄一笑倦悶聊救急

寄何德固

元豐初得君賜袍色可摘雍容戎馬間爽氣凌秀色十年  
不相逢領頰已有白京塵化人衣歲月動阻隔夏屋如溪  
山排日許聯席坐中多可人一笑每墮幘人皆指為誇我  
輩日所惜于今已三見爽氣若初得同言胡乃尔前至作  
嬌客邊城久不雨旱氣箴磔石俯仰數刻間只尺便南北  
寄聲不敢輒問訊莫我護但問溪閉門鴟坐較定力凌林  
舊家風龐老真消息莫作分別想認子却為賊開門會



有日聊復鋤戈戟在擬詰朝見無或但堅壁

燕子和韻

依三梁間燕終日密相對本不欲尔期何為尚此會得非  
緣所遭又恐意有在飛來復飛去好語如瑞瀨我亦強維  
繫尔豈知向背萬事香藹間一咲沉吟外玄妙第一義為  
尔除障礙卷簾見天下始信物有大

次韻方叔晚過湖上時積雨新霽天色如畫傳聞

余有興元之命

醜水投過日佳思生襟裳緬懷江上笛相游共胡床星月  
弄疎明草木來遠香所待亦餉尔端能謝涼

方叔并用前韻復繼之

蕭然傲環堵信性懶衣裳巾坐定何許升井書滿床我每  
不欲去莫覩無盡香未始有寒暑彼哉自炎涼

姑溪居士後集卷第八

律詩

讀東坡詩

邊州守禦詩謝沈機獨喜身閑是道師  
獄吏難堪非素料  
病懷無計復何辭  
空慙南郡三年學  
賴有東坡一集詩  
永日風埃惟恹睡  
到頭不比在家時

次韵見寄

一

矩雖成方圓難規  
倦途誰與相多儀  
門深不擬睡教熟  
舌強犹防語或枝  
無事且尋黃面老  
閑心休問碧雲姿  
此身未必終如此  
日犹吟十首詩

東坡流落坐多言我欲無言亦未全  
好辨懸知非獲已力行到底信為賢  
抱琴有味無彭澤沽酒何妨問玉川  
只擬歡呼出門去強麋置網豈當然

罷官後旋營居舍寄贈存之

常恨官居傳如舍愛君池館葺初成  
偶因罪垢渾無計聊喜私巢得暫營  
闔戶開窓留晚日栽花引水趁新晴  
此身何處不可老况有吾人侶弟兄

次韻見問

東西南北為誰忙蔡澤欽吟舊笑唐  
路斷不妨頻打睡心清何必更燒香  
尋思有侶黃州味潦倒休嗟自髮郎  
近兒

竹筒拘月費主人時亦破慳囊

五月旦日

睡餘落莫肘難支節物依然我自衰  
已悟龍蛇終不與何須龜策強稽疑  
孤懷拂語雖能遣歸路佳人已歎遲  
共弔沉湘無數日却嗟輕負習家池

晚雨寄涇州劉晦叔

晚來又有數點雨聲入鄉人拭淚中  
漸喜濃雲初蔽日只愁深夜却回風  
閨憐焦稿非無意祈禱精虔信有功  
聞不如葦幾兩月丈君憂樂與民同

端午

如漢集 卷八 二  
絲絲百縷認為佩艾葉千窠結作人厭勝何妨兒女虧漂  
流不覺歲時新清秋尚記書裙帶舊時安能吊放臣角黍  
澄園矜節物一樽聊與寄逡巡

二

曾約佳人端午歸又期僚友面南池誰知猶阻重門鎖未  
擬輕為故國悲九節菖蒲應好在十圍樗木正相宜微行  
細約寧忘我却話今朝會有期

傳子昌歸興州

嘉陵江水接天沅州據江流最上樽惜昔練衣隨跋馬而  
今白髮任虛舟慶門譽望聞來久塞路殷勤得暫酬見說  
明朝却西去長亭揮手恨無由

余入院二十日相知徃徃寄聲相勞獨何得回寂  
然無聞

何郎本是風塵外平日仍同般若因有底新來便如此定  
緣何事不相親薰蕕何得同簪荀荀潔安能別孟津會借  
天河三級浪終須流出舊精神

留別子淵

守閑相見即相親冉二風流一改春未論典刑思旧德便  
知材業是當仁他年雞黍情無限此日詞章筆有神落盡  
節旄種未壓疾風勁筆定何人

送馮子庄赴秦州將官述其督詩之語呂廣篇首

我詩易得君休嘆君節難攀我自知問會但嗟歸有日奏

功方看獨相先時簫笳部曲催驕馬錦繡山川入綵旗莫  
訝黃金偏滿手樂生平是男兒

重治寢榻更衣蔬食

五月相將又下旬依前深院度黃昏頻看領路占家信旅  
穴簾旌作燕門斗藪衾綢防垢穢滌除蚤虱斷兒孫不因  
肉食腥雞磨且欲從今習菜根

周臣約過景欵第會飲寄此語詩平章因呂執誠

也

懸知昨過隣家館更晚明璫間玉釵雖喜黃姑論隔歲偶  
陪摩詰事長齋嘯敬朱闥雲間接鶯燕難逃席上猜預悵  
醒、獨回馬何如為賦酒如淮

次韻題隱居巖

隱居何必在山巖境界全歸指顧間能把軒裳為外物便  
應風月勝醜顏地連紫禁千重遠石繞清泉五色班從此  
夢魂猶可到定知衰廢不容攀

次韻見懷

林泉廢疾固難除杳杳觚後寄夢餘已謝山東知不免須  
由北海本來疎功名謾笑乘軒鶴事業終歸種樹書聞道  
江樓菜已穩未應長鉄歎無魚

次韻病起

天時人事不相尋適食蒸豚廢舌吟雖感親顏前約短常  
知暇日漫緣深風雲疊疊天邊跼霜露惜：壁上琴我亦

臨風頻拭目看懸金印到山林

次韵子椿見寄

一逢佳節一消魂青徹江山綠滿園又把鋤犁聊自遣却  
嗟身世獨難論三鍾切幸資三徑九奏時猶夢九門勝處  
何能偏見憶便應佳思襲香蓀

次韻子椿同閑暇源吳思道贈董無求有懷米元

章

海嶽仙人不我期碧雲幽恨獨心知坐閒優孟已難別筆  
下羊欣更出奇自是人才空立異當知臣叔本非癡重輕  
到了存公議揮扇何勞強執葵

次韵思道子椿題仲強標亭

王門平昔早相求幾向標亭得趣幽從別風光應似舊每  
懷勝處只搖頭塵毛抗論願終日玉指按花泛晚秋老盡  
鄒陽還憶否密移空自感藏舟

次韵子椿九日登高見懷兼呈君俞相約尋春

重陽曾記客京埃江國相違又七回感旧只如春夢新登  
高未許壯心摧方嗟陳迹何時見底事新詩到眼來便好  
扶攜披節物猶勝落木對空壘

次韵閑聖子送董無求

何勞楚些為招魂是處春風侶辟園可復京塵難共樂却  
應江月要深論澄花昨夜占行館鶻語今朝報里門想見  
慈顏問行李一樽浮蟻俏初蓀

次韻程源無求兼懷元章

羨門不見見安期  
流水高山獨我知  
門鼻踏穿行凌雲  
丹棘活信能竒  
換雖得辨終三紙  
借恐終還是兩癡  
不用艱難成發濛  
紅樓親共賦烹葵

次韻思道送董無求兼寄思道

翫麟從來不易傳  
低徊身世亦悠悠  
離群斷鴈雖難偶  
得兩明珠豈待求  
強挹餘塵時琢句  
問尋陳迹自經丘  
清時醉尉知何在  
侶是人多識故侯

和人臘日

又聽村村臘鼓鳴  
年豐物阜慶清平  
星霜陡覺歲華晚  
時序祇傷今古情  
裝景雪花飛點點  
催詩雲葉亂英英  
自愧

慚伏臘尤多誤和語煩公子細評

題壽椿軒

江左風流不乏人  
能將佳思洗塵埃  
坐中煇燁當時士  
庭下扶疎上古椿  
日永清陰起鵬翼  
月明翠影開龍鱗  
雲泥路絕無由到  
猶欲乘槎一問津

次韻米元章

蹭蹬生涯可否間  
強無扶衰緒欲觀瀾  
蓬生雖託麻方直  
器就寧嗟木是蟠  
晚竒鄉閭端有謂  
時容難忝共論歡  
遠城未薦誰非璞  
莫與慳珉一觀看

仲容季澤遠來相訪感往念今恨然有懷

異鄉流落十三年  
老日從誰寄往還  
久嘆新蓬飄世外  
忽

驚連壁下雲間生涯已約同他日詞筆端能慰蹙顏准擬  
新秋便相見為君終日倚柴關

書王子重開新壁

經年問疾謾持想今日登軒念自空不能碌、適如許定  
應剪、將無同人喧渡口似瓜步木落沙頭疑渚宮莫辭  
眼力徧沙界回首臘盡還春風

同子重望長蘆寺

宰渚波寒對水東坐來初報夕陽鐘回環榛柘疑無際  
尺雲烟隔幾重聽講有心陪寂寞杖藜何日許從容主人  
境界諸緣盡應笑規規看畫龍

陪子重游長蘆寺

行來思住覺城東粥飯隨緣早晚鐘安得心田荒萬有便  
驚眼界失千重笑談喜接真摩詰衰病休嗟老曼容餽飲  
殘羹應不惜聊分水墨為成龍

德山方老退院索詩送行即席口占

應供都城今幾春屢陪香火是前因偶來清漢堤邊住重  
見東林社裏人青眼畧容談近事白頭同喜得閑身自言  
此去尋思大便好乘時繼後塵

朱伯宣才英昆仲見過曲相慰藉因留飲得花字  
新春窮巷幾傷嗟聯壁俄來照節家意厚旋傾新釀酒眼  
明初見未開花百尋自是松蘿老十襲終慙玉有瑕使覺  
賦成無用處漫勞憔悴歎長沙



題僧道符天游齋

六鑿相攘不整休超然誰復與天遊醜難甕裏自歌舞野  
馬窓間空贅疣妙境果從拈處得生涯須向箇中求逢場  
作戲由來事何笑區、問觸髅

姑溪居士後集卷第九

律詩七言

除夜寄五性之

老戀窮年怯五更可堪爆竹響新聲但驚燈火如殘夢豈  
有心情敵後生錫競膠牙空對白酒期分歲獨憐清賜祀  
應有天香在想見明朝奉九成

又寄性之二首

一

霜髯雪鬢十分侵舉盞常思蘸甲深雖約依劉同藻上猶  
虛訪戴侶山陰文章歌向傳家日事業常平奕世心冰玉  
相輝方自表何妨佳思屢追尋

二  
平日鵝鸞接武中汪：每歎不能窮，楚煩朱轂圖遺愛。方  
信清時是至公，千載難期人物盛。一時休嘆馬群空，何妨  
坐歡追陳迹。應有新詩襲素風。

聽惠師琴

牛鬪淹時兩耳昏，偶陪沈祝共僧軒。數聲抑按披香霧，隻  
屨分明在曉原。節物不堪催我老，賞心聊復為誰論。初年  
記得山陰日，又見夷中幾世孫。

春日

芊芊芳草望中迷，傳火樓臺麗日西。飛絮輕翻遮柳陌，落  
花亂點暗桃溪。琉璃波淨沈漁素，玳瑁簾疎阻燕泥。百五

御選

良辰最惹青綠陰，行馬過鶯啼。

覺老求詩

江南江北久相望，常負靈山一炷香。會上拈花雖未咲，坐  
中持鉢頓先生。光投針枝兩空諸，有彈指莊嚴自一方。何  
必湯池能離垢，入門心地已清涼。

覺老見和復次韻報之時雨行未得

去隴回岡翼兩傍，舊緣未結鶴林香。隨時解致留客雨，涉  
世能圓出定光。運用投機疑有象，縱橫垂手固無方。倦遊  
累接通霄話，時覺揚枝洒面涼。

真師約過寄老菴雨不止兩日不得往小霽

輒涉淖呂契前約，次其所示韵菴壁有孫莘老秦

少游劉貢父諸君詩

一接深言一點頭離騷致處未為幽不嫌壞路容連步且  
欲他年作日游翰墨抑揚雖已晚林泉棲止會終收孤雲  
祇恐元無定候我歸來共此丘

次韻陳致君題硃砂湯

造化工夫豈偶然一池如沸自澄鮮論功但恐可資沐浴  
有理不須深究研流落未妨供淨社升沉何用較溫泉更  
宜湯稼猶能就凡占餘波盡美田

同祖燈過陳氏書齋主人留飯遂求詩

一牛吼地得林垌邂逅經行眼暫明扶策讀書雖未暇  
難炊黍喜相迎依、高柳來棲鵲烟、黃花弄晚晴自是

主人能好事非閑秋日解多情

石磧朱希仲館穀甚勤因題壁間

主人好客久聞名曾約江魚對酒烹邂逅相逢同一笑  
遂不覺到三更屠龍手既元非策畫虎工夫浪有聲便欲  
與君論卒歲却憂舟子報潮平

清涼寺覺海石飯出數帖相示覽之愴然求詩為  
記

潮去潮來知幾年依然城郭帶山川連虛玉骨元如虎布  
地金沙日種蓮重手昇開香積供傳家仍是乳峯禪珠庭  
月角人何在賴有遺蹤與宿緣

崇寧求詩時正老初住為初祖

烏衣人物已成空  
率堵終能記實公  
請祝驟開新福地  
全提還振日家風  
千岩日上春初到  
萬里雲收月正中  
款識投機無盡意  
江流入海幾時窮

范倅置酒雨花臺

流傳勝致有無間  
投老方能一倚欄  
千里江山來極目  
萬家烟雨鎖初寒  
姦雄幾許埋菴莽  
笑語何妨擁蕙蘭  
便覺寸陰真可惜  
須將酒戶為君寬

寄趙仰上

傾蓋逢君亦偶然  
墳笈今日似當年  
仙風宛是金華日  
詩句分明歷水傳  
故國江山聊徙倚  
深燈歌笑屢遷延  
相思果許重相見  
豫約嚴裝報此緣

次韻邦老見貺

高風疇昔在烟霞  
末路芝蘭屬當家  
一句轉身元的確  
千條差路任紛華  
才疎意廣難契語  
款情真特見加只  
恐平明便分手  
相看更待月西斜

宿無錫壽聖院贈明祖禪老

靈山相別已多年  
重把圓光信有緣  
愧我天涯真斷便  
喜君居處侶諸天  
元無浮世多般事  
只說吾家一味禪  
軟語繆綢霜夜永  
佛燈熅火共留連

元白筆舟相訪出紙束書因書此以歸其紙

小蓬不識遠相尋  
頓喜忘年得斷金  
便覺兩筆隨脫塵  
更能操筆問來禽  
報懷方寄朱弦直  
捲袂還驚白髮深  
獨幸

南游慰真賞他年會見好叢林

同庶績姪登有美堂

雪晴時節臘窮天明海光浮萬井烟勝槩尚能驚老眼曠  
懷無復似當年唯堪塞雁終聽翼賴有龍駒特象賢已約  
一塵須卜築不妨當此共遷延

錢塘教授宅餽眠齋次其韻

飢時噬飯困時眠任運騰信自然豈謂故人投此况先  
來佳處作閑仙寓懷何必開三徑得句勝如食万錢只恐  
里門驕內史不容同佔好山川內史見石建傳

次韵錢塘節士見寄

平日剡心欲致君異時携手但論文興來只有歸田賦老

去何如背水軍占勝已驚無不盡卜鄰應許鎮相温形容  
豈敢輕酬酢謝傳風流自出群

阿濫堆二首

一  
鐵作驕幢不易催望林誰免渴趨梅院門報鑰人初斷天  
氣絳陰日又開倦路已先衰髮雪思家唯遣寸心灰衝風  
正起還飛下何物元非阿濫堆

二

年來未覺壯心催昨夜偏傷三弄梅不貫離家遽如許自  
然昏眼亦慵開蕭條寂寞思檇蔭紉繹華嚴謝却灰少味  
童山莫分別直須直峭比離堆

食牛角

西來誰為高牛心惜事拘文不敢尋豈謂鄰邦無百里驟  
令饒口得千金登臺未論前人比捫腹翻驚用思深從此  
來陽休吊古便思白酒與同斛

元祐末宿秋試院曾和王敏父四詩是時以疾先  
出院方欲出而未得况味有類今日追用前韻再

賦四首

一

塔除又見日將斜若比奔馳尚可誇敢觀陰功鍾定國未  
應和藥困王家嘉門前禱雨頻催鼓眼底無人但見花不  
比貢闈當日鎖病未有許便還家

二

兼材莫作伊翁歸自鬻崎嶇不畏非妾役土龍寧得兩可  
堪芻狗強滕衣移文不振如也沉井行路皆疑鎮掩扉早  
悟垂頭供立杖好隨回牡去駢

三

沉、深鎖出無涯白盡于思豈復華准擬歸期叩端午那  
知此地見葵花幽憂未論如陰府倏忽翻驚走電車久病  
元來最欺眼頭蠅只覺侶棲鴉

四

十年三拜東門教長是尋燈濯汗裾羸得平安題報曆不  
妨朋友校殘書未引試前與敏父相對校書歌傳鵲鼠非行露詠入烏

狐愧大車物物皆馳將老矣定知身世欲何如

若禋告行再寄二詩

一  
前日報君明日行強憑詩句寫離情慙知北海經旬別須  
滯韶山半日程環席已甘挽上首餘壘應不負同傾預期  
一笑東門外剩記樽前醉裏聲

二

醉裏新聲解記無祇應琴意似相如近來公道偏難得從  
此佳期敢妄圖玉室金堂有阻隔兔葵燕麥恨扶疎冥鴻  
不比尋常鴈試覓蕭娘一紙書辛章伐子直意  
陽程道中有懷存之二首

一

頑陰將腐襲衣襟倦戀臨風愧白頭一事無成還歲晚百  
年過半尚人謀天邊謾鑄黃金印月下何時紫綺裘擬借  
東鄰分一徑未應人物謝羊求

二

夕陽風裏得君心常約清香帶月尋紅萼侶披經幾嗅綠  
條如弄已難禁野狂不慣娉婷醉蓬鬢偏宜苦蕾侵准擬  
歸時更得浮動瓊樽寧謝十分斟

次韻梅花

一

送臘迎春亦是常獨高梅蘂報年芳風來彷彿逢荀令月

下分明見壽陽開偏謾誇千種韻天然別是一般香從今  
漏泄東君意直到霜前菊葉黃

二

嶺上纔分一寸光群花次第從來粧絕勝群玉山頭見須  
信昭儀體自香妙賞不逢徒老去佳期難得為誰芳定應  
瘴處無人會空怨相邀客姓王

智臣成相遇成小詩 智臣善談命

紺髮朱顏氣吐虹崢嶸頭角振家風千金自晦鄒王後一  
咲時游管郭中老子已應終汨沒諸見聊為指窮通他年  
朱紫相輝地莫惜高軒訪此翁

瑛侍者欲再游方作此勉之

精神秀發真獅子聳壑昂霄侶出林擊竹有聲先了悟拈  
花微咲已知音新詩舊健疑擒錦妙字清奇不換金徃  
秋高又飛錫白雲來去本無心



姑溪居士後集卷第十

律詩  
七言

有送梅花者而彥行適在君俞來

來時點滴繞彷彿今日爛漫將飛揚  
春事不知尚多少客懷空自成悲傷  
新名候喜足詩思舊病難摩難藥方共歡  
節物冷相對少湏陳子同飛觴

失題九首

一

結束輕裝趁曉風  
崎嶇行李偶難同  
他年誰謂變成老  
今日翻為無是公  
祇恐穰侯遲見事  
固應原憲本非窮  
洛陽烟靄因緣在  
雞黍相期空不空

上番新梢與舊齊  
啄殘紅腐半成泥  
畫船侶覺去已晚  
麈句犹堪手自題  
氣候相催雖迅速  
咲歌贏得暫招攜  
紅舒綠卷紛前後  
全勝當年白集西

三

君方陵愈我慙郊  
大瓠為舟浪自安  
老矣獨期雲駛便  
歸嶼長負桂叢招  
崢嶸紅橘迎風密  
點滴安榴掠望燒  
多謝萌滋永味便  
思飛步到楊寥

四

佳禽百轉不驚風  
午日漾々睡眼中  
幾片猶飛殘臘白  
數枝初見出牆紅  
低回節物憐遷客  
漂泊生涯難老翁  
多謝

春光相擊拂一樽  
傾倒許誰同

五

窺豹曾容見一班  
孤高凜々固難攀  
早應拔宅朝元去  
猶有遺踪在世間  
舒軟款談雖可想  
賞風吟月未終閑  
諸郎莫為功名老  
須信移文下北山

六

映月臨燈萬萼披  
喜隨賓客燕芳菲  
諸妓隊合驪山曉  
臘騎夜從雲夢歸  
湏把玉觴酬勝麗  
徒芳彩筆強依倚  
回頭便見飄紅雨  
莫惜頻歌金縷衣

七

映月西湖樣鴨頭  
隨紅飄日正飛浮  
逆師來自日邊  
踏如

我遂歸江上州  
萬嶺異花開未遍  
洛城新燕語方柔  
經行須作半年計  
歸去音知難再求

八

薄雲疎雨洒雕籠  
槎拂銀潢月上弓  
紅淚半殘歌後燭  
翠濤低湧夢回風  
萍餘劍鏑難為利解  
盡犀秣珠未見通香  
芝田定何許  
斷魂無計脫驚鴻

九

華棟曾記孔鸞棲  
新夢還來拂日題  
妙悟從識誰無射  
賞心空自感雌霓  
千雲寶氣層霄外  
埋玉孤坟落照西  
千載相逢定何許  
嘒風雨獨鳴鷄

聞葵者

鏡鉞高低與哭聲  
同尋此路不須驚  
年來是自多傷感  
簾外何須問晦日  
明未返耕桑真拙計  
長縈韉鎖奈虛名  
無名可戀何貧者  
覬螿須休莫強傾

律詩五言

過蒲池寺謁田承君

蕭寺經行旧騷人  
趣尚幽從來不妄許  
相見若為愁稅駕  
終何地秉桴可共舟  
感君詩有味老去復誰求

子重見過夜話

坐久日將落  
窓前雲欲平  
倦游淹歲月  
旅悶守坻京  
已謝長楊賦  
猶懷古劍行  
擁爐雖有味  
琢句苦難成  
一笑逢吾友  
諸方日著名  
景山慙絕曠  
擊節愧深耕  
奧妙窮三際  
堅

剛敵萬兵誰知俯冬杪頓覺得春榮  
繾綣柔榆恨間闕兒女情金篋何足道  
閨室斗光明

一 三家店早飲主人侶喜余至而庭下殘花猶在也  
酒客輒見避余固止之因得攬其醉態

再過三家店還投舊酒壚重攀紅躑躅爭認白髭鬚  
可惜自相束無因同拍扶他年遂卜集終為伴歌呼

二 醉人休見避我恨未如君到了輸他樂何須強自分稻梁  
姑取足雞鶩謾離群上馬衝寒去回頭愧壘雲

次韵真師移植新竹

錦棚方有託粉面轉相疑  
漸露凌雲節微分弄月枝  
高僧開檻賞野客帶沾移  
只恐成龍去空來歎此時

宿湯泉示真師二首

一 睡美不覺曉蛇然猶恐<sup>戀</sup>床未能忘  
夜旦已自懶衣裳供佛添新水  
持經續日香不知門外路何事有歸艎

二 粥後復就枕夢中還在家  
老身知自妄病厭事如麻  
漸覺同芻狗終當倍寶車  
何妨驀直去細啜趙州茶

朱希仲設榻溫密與真師榻相對  
明日雨止送過

金陵

居士留我宿虛堂照一燈如逢永平夢仍對竹蘭僧彷彿  
三無愠間笑百不能平明失蒼海歡喜話金陵

真師自湯泉相送至石磧遂歸索詩為別

流落不我棄如君能幾人寧辭迂驛跡且喜慰情親  
踏磴還逢雨因循懶問津尤慙遠相送誰謂白頭新

石磧阻雨夜分睡覺枕上

一夜雨不止渡江還不能誰知未歸客獨自對孤燈  
祿食強作主生涯端是僧都來如一夢隨處且騰騰

游石磧寺僧以牌求詩

花石鎖風烟軒楹半似山門連虎溪路橋接趙州關  
屈曲深疑步高低屢解顏却應多事夢不伴此身閑

御選

茅山道中抵莫投一客即甚素雅主人喜客乃一  
善士為待至厚既別留此致謝

客緒如繚壘山行侶踏車方疑武陵宿宛是德公家  
傾蓋君何厚論心我可嗟祇應從此別去路隔雲霞

除夜小舟中雨不止而作雪寄德麟

醉吟何今在寒燈倍黯然却應聽雨夢猶是散花天  
老境不自得客程誰我憐曉鐘催去路明日又新年

腰痛醫者饋藥且酒為詩使命酒對燈飲飲不能

我因不喜酒醉中常獨言賢不詞說獲落祇恐負妖  
奸迹類懷沙悴心馳濁世翻空樽聊口誰繼畧漫膏  
然未分窮拔魏長思夜刷燕蛇驚元有影蟻慕本無  
羶兀坐疑癡鶴

忘形已蜕蟬滄溟雖可徑何意逐鯨鱣

燈下試婺源楊生莘和韻

跼蹐教椽內回旋瀕步中艱生乃至此吾道得非窮詢鞠  
元無術行移底是功可堪追兔鼠強學注魚豕未壓朝糞  
緣生憎夜燭紅呻吟慙杜老感慨謝終童奏剡何時發微  
連幾日通親知過悵望應足轉衰翁

江上獨坐

春至猶飄雪江寒未有魚無人慰青眼盡日對紅爐  
魂頻響惜、鳥強呼潛然不自覺豈待到窮途

書崇寧觀黃道士火櫃壁

地肺聞名久崇寧請祝初仙家豈興廢物理自乘除羽客

論歡舊紅爐勸坐初斯須竟何有聊復慰窮途

同趙德麟宿長河堰僧房德麟適相送至此且約

明春再相會有詩見及次其韻

泔泔一夜兩皎皎百年心歲路無多日僧床有剝衾長卿  
空滌器季子漫多金賴有綈袍旧春風定可尋

大觀四年二月二日自采石過藏雲取路回遠少  
憇已入夜遂留宿明日聰師相邀登覽偶見西偏  
地真一方之勝也余方營葬庶幾得之以託妙緣  
既去因留此詩

挑菜逢今日藏雲訪近山路紆知盡永心遠覺身閑未信  
塵埃隔猶疑夢寐聞佳城更何卜便好輟孱顏

書長干僧房二首

赤手能禱虎青檀不与偷真知外物重未放此綠休平地  
山見嶽排空回斗牛何須倚塵劫才許馨前秋

二

問訊無尺寸順風留去歲時傳聞萬金積未嘆一生疲突兀  
端可想高明還此期他年問初祖却是寧馨兒

姑溪集補遺

題王子重出李成所畫山水

見後集卷一第二頁

主人邀客登間軒之前景物祇欠山坐來慘淡若不足引我忽到營  
丘間營丘山水天下知全齊十二雄一時舊游歷如到眼吾宗筆力  
窮高依峰雲巖靄互隱現老木蒼藤紛綵絢瓏璵特幹勢將壓  
奇崛欲夸人未見石磴流泉似出壑洞穴縱橫乍明滅舉頭樓觀  
俯懸崖定須六月臨飛雪行人忽踏山前路款段衝寒怯回顧蹇驢  
亦自樂平地驛身徐行方得趣日西平遠連何處極目蒼茫天欲暮  
行人端是我全身前斗覺精神相會聚百年瞬息竟誰真此老應無一  
點塵主人等是風塵外豈是間軒久住人子重家有間軒

春日同梁十四齋李公昭朝霞閣侍兒舞梁州曲微客有以潤  
羅為贈公昭命玉杯滿酌酬之又以金鍾邀兒相屬既醉出  
烏絲欄索詩 見後集卷二第五頁

都城春風吹落花都城九陌無塵沙貂裘公子醺何處闌干百尺陵  
朝霞鳳箏新調玉指軟黃金捍撥當胸遮紫檀屢碎翻成拍紅首  
毵襯鷓頭襪回旋誰許絲雲輕欲斷還連猶未徹新鶯弄雛乳燕飛  
一曲涼州春日遲百疋纏頭隨玉杯呶啞一闌爭扶持公子笑不已下客  
歡正濃更邀姬媵持金鍾一酌直欲滄溟空從他海若在平地明珠墮  
淚愁蛟龍珊瑚穴兀撐高峰便疑巴姬御來風月漸滿銀河依歸路  
促街鼓稀何時再到紅首地更倩游絲惹住衣 以上御選

薄雲

李之儀

薄雲疎雨灑雕籠  
槎拂銀潢月上弓  
紅淚半殘歌後燭  
翠濤低湧夢回風  
萍餘劍鏑難為利  
解盡犀珠未見通  
香之芝田之何許  
斷魂無計晚鷺鴻

此首見御選而始注前及  
集中但失載當細檢增入

此詩見後集卷十第二頁





Handwritten mark or signature at the top of the page.

